

Láhka

Guolástusas Deanu čázadagas dahkkojuvvon soahpamuša 5 artihkkala 2 čuoggás dárkkuhuvvon guolástusnjuolggadusa fámusorrunáiggi guhkideamis dahkkojuvvon soahpamušas

Riikkabeivviid mearrádusa mielde mearriduvvo:

1 §

Guolástusas Deanu čázadagas dahkkojuvvon soahpamuša 5 artihkkala 2 čuoggás dárkkuhuvvon guolástusnjuolggadusa fámusorrunáiggi guhkideamis Suoma dásseválldi ráđdehusa ja Norgga gonagasgotti ráđdehusa gaskkas Oslos golggotmánu 27 beaivve 2021 nohtaidlonohallamis dahkkojuvvon soahpamuša láhkaásaheami suorggi mearrádusat leat láhkan fámus dakkáražžan go Suopma lea daidda čatnasan.

2 §

Soahpamuša eará go láhkaásahansuorggi mearrádusaid fápmuibidjamen mearriduvvo stáhtaráđi ásaheamin.

3 §

Dán lága fápmui bohtimis mearriduvvo stáhtaráđi ásaheamin.

Helssegis 18.11.2021

Oaiveministtar

Sanna Marin

Eanan- ja meahccedoalloministtar Jari Leppä

NOTÁHTAID LONOHALLAN

1. Suoma dásseválddi Oslos lean ambassáda notáhta Norgga gonagasriikka olgoministerijai

Suoma dásseválddi ambassáda ovdanbuktá dearvvahusas Norgga gonagasriikka olgoministerijai, ja ambassádas lea gudni čujuhit guollebivddus Deanu čázádagas Suoma ja Norgga gaskkas 30 beaivve čakčamánu 2016 dahkkon soahpamuššii (soahpamuš) ja oassebeliid čadahan ságastallamiidda soahpamuša 5 artihkkala 2 čuoggás oaivvilduvvon guolástannjuolggadusa fápmoáiggi guhkideami spiehkastatlaččat guvttiin jagiin jagi 2024 rádjai.

Suoma dásseválddi ráđdehusas lea gudni evttohit, ahte soahpamuša 5 artihkkala 2 čuoggás oaivvilduvvon guolástannjuolggadusas fápmoáiggi guhkiduvvo 1 beaivái miessemánu 2024.

Jus Norgga gonagasriikka ráđdehus dohkkeha ovdalis ovdanbuktojuvvon evttohusa, Suoma dásseválddi ambassádas lea gudni evttohit, ahte dát notáhta ja Norgga gonagasriikka olgoministeriija vástádusnotáhta dahket ráđdehusaideamet gaskasaš soahpamuša ja, ahte oassebealit almmuhit nubbi nubbái diplomáhtalaš vuogi mielde soahpamuša fápmui boahtimii stáhtanjuolggadusa mielde ásahuvvon gáibádusaid ollašuvvamis. Soahpamuš boahtá fápmui dan beaivve, go maŋit almmuhus lea vuostáiváldon.

Suoma ambassáda ávkástallá dán dilálašvuoda ođasmahttit Norgga gonagasriikka olgoministerijai alimus gudnejahttimis dáhkádusa.

Oslo, 27 beaivve golgotmánus 2021

2. Norgga gonagasriikka olgoministeriija notáhta Suoma dásseválddi Oslos lean ambassádii

Norgga gonagasriikka olgoministeriija ovdanbuktá dearvvahusas Suoma dásseválddi ambassádii ja das lea gudni čujuhit ambassáda 27 beaivve golggotmánus 2021 beaiváduvvon notáhtii, mas evttohat guollebivddus Deanu čázadagas Suoma ja Norgga gaskkas 30 beaivve čakčamánu 2016 dahkkon soahpamuša 5 artihkkala 2 čuoggás oaivvilduvvon guolástannjuolggadusa fápmoáiggi guhkideami miessemánu 1 beaivái jagi 2024.

Norgga gonagasriikka olgoministeriijas lea gudni almmuhit Suoma dásseválddi ambassádii ahte Norgga ráđdehus dohkkeha ovdalis evttohuvvon ášši ja ahte ambassáda notáhta ja dát vástadusnotáhta, man olgoministeriija addá Norgga gonagasriikka ráđdehusa beales, dahket ráđdehusaideamet gaskasaš soahpamuša ja ahte oassebealit almmuhit nubbi nubbái diplomáhtalaš vuogi mielde soahpamuša fápmui boahtimii stáhtanjuolggadusa mielde ásahuvvon gáibádusaid ollašuvvamis. Soahpamuš boahtá fápmui dan beaivve, go manjit almmuhus lea vuostáiváldon.

Norgga gonagasriikka olgoministeriija ávkkástallá dán dilálašvuoda ođasmahttit Suoma ambassáda alimus gudnejahttimis dáhkádusa.

Oslos 27 beaivve golggotmánus 2021